

UGOVOR O PRUŽANJU/KORIŠTENJU TELEKOMUNIKACIJSKIH USLUGA

Zaključen između :

- 1. KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA SARAJEVO, Josipa Štadlera 32, 71000 Sarajevo, identifikacioni broj: 4200004140005 koja zastupa direktor Nerven Dacić, dipl.ing.arh. (u daljnjem tekstu: Naručilac) s jedne strane**

I

- 2. BH Telecom d.d. Sarajevo – Direkcija Sarajevo, Ulica Zmaja od Bosne 88, 71000 Sarajevo, identifikacioni broj: 4200211100021, kojeg zastupa v.d. direktor Direkcije Sarajevo mr. Kemal Avdagić, dipl. ing. el.. (u daljem tekstu: Dobavljač), sa druge strane**

Član 1.

Predmet ovog Ugovora je regulisanje međusobnih prava i obaveza ugovornih strana u vezi sa pružanjem/korištenjem telekomunikacijskih usluga u 2020. godini (BIZ izbor i mobilna telefonija), u skladu sa ponudom Dobavljača broj: 08.2.1-38-18724/20 od 24.02.2020. godine i Odlukom za dodjelu Ugovora broj 03-31-2/20 od 25.2.2020. godine.

Član 2.

Ugovorne strane su saglasne da će pod uslovima navedenim u ovom Ugovoru, Dobavljač pružati telekomunikacijske usluge - usluge fiksne telefonije, mobilne telefonije i xDSL usluga Ugovornom organu za 2020. godinu.

Član 3.

Dobavljač se obavezuje da će omogućiti Ugovornom organu neometano korištenje usluga fiksne telefonije u skladu sa Opštim uslovima za pružnje telekomunikacionih usluga, Specifičnim uslovima i Cjenovnikom dobavljača koji su dostupni putem službene web stranice Dobavljača.

Član 4.

Dobavljač se obavezuje da će telekomunikacijske usluge - usluge fiksne telefonije, mobilne telefonije i xDSL mreže pružati na kvalitetan način prema pravilima struke.

Član 5.

Dobavljač se obavezuje da svojim ponašanjem i aktivnostima neće povrijediti tajnost podataka, poruka i dokumenata kojima raspolaže Ugovorni organ.

Član 6.

BH Telecom će u korist Ugovornog organa pružiti usluge kako slijedi.

Cijena mjesečnih troškova za ugovorene usluge telefonije iskazana po stavkama tehničke specifikacije:

Vrsta Troškova	Naziv usluge	Količina	Jedinična cijena bez PDV-a	Ukupna cijena bez PDV-a
FIKSNA TELEFONIJA				
Mjesečni troškovi	Pretplata za fiksni priključak	1	16,40	16,40
Mjesečni troškovi	Pretplata za produženo biranje do 50 lokala	1	22,73	22,73
Mjesečni troškovi	Direktno biranje u kućnu centralu (DDI), bazni dostup	2	3,50	7,00
Mjesečni troškovi	Pretplata za ISDN BRA	1	20,00	20,00
MOJA TV				
Mjesečni troškovi	PAKET MOJA TV BIZ	1	21,37	21,37
xDSL MREŽA				
Mjesečni troškovi	Fiksni pristup na Flat osnovi (netFlat 20) : pristupna brzina do 20Mbps/512kbps ; Neograničeno korištenje na fer osnovi; G hosting	1	34,10	34,10
UKUPNI MJESEČNI TROŠKOVI ZA FIKSNU TELEFONIJU, PAKET MOJA TV BIZ I xDSL MREŽU				
Ukupna cijena bez PDV-a				121,60
Popust				11,09
Ukupna cijena sa popustom bez PDV-a				110,51

Ukupna cijena mjesečnih troškova za ugovorene usluge fiksne telefonije, paketa MOJA TV BIZ i xDSL mreže sa popustom, iznosi 110,51 KM bez PDV-a.

Ugovorne strane su saglasne da cijene usluga iz ovog člana ostaju nepromjenjive u vremenskom periodu trajanja Ugovora.

Član 7.

Ugovorne strane su saglasne da se Opšti uslovi za pružanje telekomunikacionih usluga BH Telecoma (u daljem tekstu: Opšti uslovi), za koje je u redovnoj proceduri pribavljena saglasnost Regulatorne agencije za komunikacije BiH i čijim je javnim objavljivanjem u sredstvima javnog informisanja i na službenoj web stranici www.bhtelecom.ba, BH Telecom preuzeo obavezu da zaključi ugovor o pružanju/korištenju usluga, u potpunosti u skladu sa Opštim

uslovima, sa svakim trećim licem koje podnese zahtjev i ispuni utvrđene uslove, zaključivanjem ovog ugovora, smatraju njegovim sastavnim dijelom, čime se otklanja potreba detaljnog regulisanja prava i obaveza između ugovornih strana ovim ugovorom.

Član 8.

Dobavljač se obavezuje da će osigurati tehničku podršku Ugovornom organu u periodu 24x7, uz 30 minutni odziv i potvrdu putem elektronske pošte u toku radnog vremena.

Član 9.

Nadzor nad ispravnošću djelovanja veza i otklanjanje grešaka u njihovom radu obavlja Dobavljač tijekom 24 sata, svakodnevno.

Dobavljač se obavezuje da će pristupiti otklanjanju grešaka u radu veza odmah po prijemu obavijesti od strane vlastite nadzorne službe, odnosno na zahtjev Ugovornog organa. Dobavljač se obavezuje da će izvesti sve aktivnosti koje su neophodne za otklanjanje grešaka u najkraćem mogućem vremenu.

Član 10.

Dobavljač i Ugovorni organ se obavezuju da će sve tehničke podatke o povezivanju, te sve podatke o ugovornim obavezama čuvati kao poslovnu tajnu. Isto važi i za sve podatke do kojih bi Dobavljač odnosno Ugovorni organ došli slučajno, uslijed prirode povezivanja mreža i prijenosa podataka preko mreža.

Ugovorne strane odgovaraju za moguću poslovnu štetu koja bi nastala uslijed neuvažavanja odredbe o čuvanju poslovne tajne.

Član 11.

Naručilac je dužan plaćati obaveze iz osnova pružanja/korištenja ugovorenih usluga na osnovu ispostavljenog mjesečnog računa.

Fakturisanje za izvršene usluge će se vršiti na kraju svakog mjeseca, a plaćanje će se vršiti u roku od 30 dana od dana dostave fakture za izvršene usluge od strane BH Telecoma na broj računa naznačen na fakturi.

Član 12.

Svaka od ugovornih strana može otkazati Ugovor u pismenoj formi, uz otkazni rok od 30 (trideset) dana iz razloga koji su utvrđeni Zakonom o obligacionim odnosima.

Član 13.

Ugovorne strane su saglasne da Dobavljač nema pravo zapošljavati u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 14.

Sastavni dio ovog Ugovora je i ponuda Dobavljača broj: 08.2.1-38-18724/20 od 24.02.2020. godine.

Član 15.

Za sve što nije regulisano ovim Ugovorom, primjenjivat će se odredbe Zakona o obligacionim odnosima („Službeni list SFRJ“ broj 29/78, 39/85 i 57/89; „Službeni list RBiH“ broj 2/92, 13/93 i 13/94 i „Službene novine Federacije BiH“ broj 29/03 i 42/11)

Član 16.

Eventualno nastale sporove pri realizaciji ovog Ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost Općinskog suda u Sarajevu kao stvarno i mjesno nadležnog suda.

Član 17.

Ugovor stupa na snagu danom potpisivanja obje ugovorene strane, uz obavezno parafiranje svake strane Ugovora i zaključuje se na određeno vrijeme u trajanju od 12 (dvanaest) mjeseci.

Član 18.

Ugovor je sačinjen na bosanskom jeziku u 4 (četiri) istovjetna primjerka od kojih svaka strana zadržava po 2 (dva) primjerka.

DOBAVLJAČ:

BH Telecom d. d Sarajevo
Direkcija Sarajevo

v.d. DIREKTOR
mr. Kemal Avdagić, dipl. ing. el.



UGOVORNI ORGAN:

Kantonalni zavod za zaštitu
kulturno-historijskog
i prirodnog naslijeđa Sarajevo

DIREKTOR
Nervin Dadić, dipl.ing.arh.



Br: _____
Datum: _____

Br: 01-259/20-Z-33
Datum: 04-03-2020